



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 4. Regnum Andalusiae.

urn:nbn:de:hbz:466:1-13147

foletum, & in paucis vallibus. Frumentum hic optimi saporis ut
pote è sicciori solo. Incolæ fortes, evigorit, vrbes optimè tempera-
tæ per viros quos *Fieles* vocant. *Nona* paulò siccior, & minus ri-
gua quam *Vetus*, & ferè pluuiis carens: tamen circa Madritum,
& ad Tagum satis ferax. Diues pecore, oleo, croco, & melle.

§. 3. *Regnum Galiciae.*

FACTVM est ab Alphonso quinto, qui Sancium Regem Galiciæ creauit, sed postmodum iterum vnitum Castellæ in Alphonso Legionensi. Data quoque fuit Galicia Henrico primo Comiti Portugalliae, sed antota, an pars duntaxat non est huius loci defini-
nire. Certè Lusitani quidam Galiciam Regno Portugalliae contribuere. Regio hæc frigidior reliquâ Hispaniâ vt & minus ferax,
nisi in quibusdam vallibus; sed purissimo aëre perficitur. 50. vr-
bes muratas numerat, & celebratur peregrinatione S. Iacobi cu-
ius corpus seruari Compostellæ religiose creditur.

§. 4. *Regnum Andalusia.*

A Vandalis accepisse nomen fatentur omnes. Prima hæc Mau-
rorum crudelitati patuit, vbi & duo regna constituere Cordubense,
& Hispalense: quæ tandem Castellæ adiuncta sunt per Ferdi-
nandum tertium cum ex Andalusia Mauros Granatam compul-
lisset. Regio fertilitatis summæ, in qua nihil ad vitam, nihil ad
voluptatem desit, digna planè fictione camporum Elysiorum.

§. 5. *Regnum Granatense.*

CORDVBENSIBVS rebus pessimè cedentibus Mauri selegere si-
bi Mahumetum quandam humili loco natum sed fortem, qui rem
Mauricam fulciret, à quo Regnum hoc saeculo Christi 13. institu-
tum est. Viguitque ultimum Maurorum in Hispaniâ, neque ante
Ferdinandum & Isabellam deiectum est. Postea tamen hinc om-
nes expulsi Mauri patrum nostrorum memoriam. Totus hic tractus
magna ex parte desertus licet fertilissimus & minimâ culturâ in-
digens. Laudantur eius vvae passæ, & vina Malacensia, aliæ &
ferica.

Nn